

ԲՈՎԱՆԴԱԿՈՒԹՅՈՒՆ

| | |
|--|----|
| I. ԸՆԴՀԱՆՈՒՐ ԴՐՈՒՅԹՆԵՐ | 2 |
| 1. Մրցույթը | 2 |
| 2. Նպատակը | 3 |
| 3. Ժամկետները | 4 |
| 4. Գիտահետազոտական խումբը | 4 |
| 5. Խմբի ղեկավարը | 5 |
| 6. Խմբի անդամները | 6 |
| 7. Օտարերկրյա գործընկերը (Գործընկերը) | 7 |
| 8. Կազմակերպությանը ներկայացվող պահանջները | 8 |
| 9. Ակնկալվող արդյունքները | 9 |
| II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԿԱՐԳԸ | 12 |
| 10. Հայտ և անհրաժեշտ փաստաթղթեր ներկայացնելը | 12 |
| 11. Նախահաշվի կազմությունը | 13 |
| III. ՀԱՅՏԵՐԻ ՔՆՆԱՐԿՈՒՄԸ ԵՎ ԳՆԱՀԱՏՈՒՄԸ | 14 |
| 12. Հայտերի համապատասխանությունը Մրցույթի պայմաններին | 15 |
| 13. Գիտական փորձաքննությունը | 15 |
| 14. Գիտական փորձաքննության առաջին փուլը (ընդարձակ ամփոփագրի գնահատում) | 16 |
| 15. Գիտական փորձաքննության երկրորդ փուլը (փորձագետի գնահատում) | 16 |
| 16. Գիտական փորձաքննության երկրորդ փուլը (հարցազրույց) | 17 |
| 17. Գնահատման արդյունքները | 17 |
| IV. ԱՅԼ ԴՐՈՒՅԹՆԵՐ | 18 |
| 18. Պայմանագրերի կնքումը | 18 |
| 19. Հաշվետվությունը | 19 |
| 20. Լրացուցիչ տեղեկություններ | 20 |
| 21. Նախագծի ֆինանսավորման դադարեցումը | 21 |
| Հավելված N 2.1 | 23 |
| Հավելված N 2.2 | 24 |
| Հավելված N 2.4 | 26 |

ՀՐԱՎԵՐ

«ԳԻՏԱԿԱՆ ԱՏՈՐԱՔԱԺԱՆՈՒՄՆԵՐԻ ԱՄՐԱՊՆԴՄԱՆ ԾՐԱԳԻՐ - 2024» ՄՐՑՈՒՅԹԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Մրցույթը

- 1.1. «Գիտական ստորաբաժանումների ամրապնդման ծրագիր - 2024» մրցույթն (այսուհետ՝ **Մրցույթ**) անցկացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի (այսուհետ՝ **Նախարար**) 2024 թվականի հունիսի __-ի N _____ հրամանի:
- 1.2. **Մրցույթը** կազմակերպում է Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն (այսուհետ՝ **Կոմիտե**)՝ առաջնորդվելով Հայաստանի Հանրապետության կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգով»:
- 1.3. **Մրցույթն** ուղղված է Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող կազմակերպությունում (այսուհետ՝ **Կազմակերպություն**) հեռանկարային, ժամանակակից գիտական ուղղություններով առկա գիտական ստորաբաժանումների (խումբ, լաբորատորիա, բաժին, կենտրոն և այլն, այսուհետ՝ **Ստորաբաժանում**) ամրապնդմանը և զարգացմանը:
- 1.4. **Մրցույթն** իրականացվում է գիտական և գիտատեխնիկական գործունեության բոլոր բնագավառների մասնագիտություններով (**Հավելված 2.1**):
- 1.5. **Մրցույթին** մասնակցելու համար անհրաժեշտ է ներկայացնել հայտ (այսուհետ՝ **Հայտ**), որը ներառում է գիտական նախագիծ (այսուհետ՝ **Նախագիծ**) և պահանջվող այլ փաստաթղթեր/տվյալներ:
- 1.6. **Նախագիծը** (**Հավելված 2.2**) պետք է լինի հավակնոտ, մրցունակ, հեռանկարային, խոստումնալից և իրագործելի:

1.7. **Մրցույթում** միջազգային գիտատեղեկատվական շտեմարանը (այսուհետ՝ **ՄԳՇ**) սահմանվում է Web of Science-ում («Science Citation Index Expanded (SCIE)», «Social Sciences Citation Index (SSCI)», «Emerging Sources Citation Index (ESCI)», «Arts&Humanities Citation Index (AHCI)») ընդգրկված պարբերական, **կամ** «Scimago Journal & Country Ranking» պորտալի առնվազն Q4 քառորդ, իսկ գիտաժողովի նյութերի դեպքում՝ առնվազն Q2 քառորդին համարժեք SJR ինդեքս (SCImago Journal Rank Indicator) ունեցող պարբերական **կամ** Web of Science գիտատեղեկատվական հարթակի գրքի հղման ինդեքսի (Book Citation Index) հրատարակիչների ցանկում ներառված հրատարակչությունների կողմից հրատարակված գիտական աշխատություն; իսկ մենագրությունը, կոլեկտիվ մենագրությունը կամ գիտական աշխատությունը (այսուհետ՝ **Մենագրություն**) պետք է ունենա առնվազն 5 տպագրական մամուլ և հրատարակված լինի Web of Science գիտատեղեկատվական հարթակի գրքի հղման ինդեքսի (Book Citation Index) հրատարակիչների ցանկում ներառված հրատարակչությունում:

1.8. **Մրցույթի** հրավերի փաթեթը սահմանում է դրան դիմելու ընթացակարգը, չափանիշները, **Հայտերի** գնահատման փուլերը և շահառու **Հայտերի** ֆինանսավորման ու հաշվետվողականության ընթացակարգը:

2. Նպատակը

Մրցույթի նպատակներն են.

- խթանել ներպետական և միջազգային համագործակցությունը,
- զարգացնել **Կազմակերպության** գիտական և գիտատեխնիկական ներուժը,
- ներգրավել սփյուռքի և արտերկրի գիտական ներուժը,
- ներգրավել երիտասարդ հետազոտողների և ասպիրանտների,
- նպաստել միջազգային հետազոտական միջավայրին երիտասարդ հետազոտողների ինտեգրմանը,
- բարելավել գիտական միջավայրը,
- ամրապնդել նոր, մրցունակ և հեռանկարային գիտական ստորաբաժանումները,
- խթանել գիտության ոլորտում մրցակցային պայմանները:

3. Ժամկետները

- 3.1. **Նախագծերի** իրականացման տևողությունը 60 ամիս է:
- 3.2. **Մրցույթին** առցանց դիմելու վերջնաժամկետը 2024 թվականի հուլիսի 26-ն է: **Կոմիտեի** հայտերի և հաշվետվությունների ընդունման առցանց համակարգում (grants.hesc.am, այսուհետ՝ **Համակարգ**) **Հայտերի** ուղարկման հնարավորությունը կարգելափակվի Երևանի ժամանակով ժամը 18:00-ին:
- 3.3. Թղթային տարբերակով **Կազմակերպության** ներկայացուցչի կողմից **Կոմիտե** ներկայացվող փաստաթղթերի վերջնաժամկետը 2024 թվականի օգոստոսի 2-ն է:
- 3.4. **Մրցույթի** արդյունքում ֆինանսավորման երաշխավորված **Նախագծերի** ֆինանսավորման մեկնարկը նախատեսվում է 2024 թվականի նոյեմբեր ամսից:
- 3.5. **Նախագծերի** ֆինանսավորման համար պայմանագրերը կնքվում են **Մրցույթի** արդյունքները հրապարակելուց հետո՝ 10-օրյա ժամկետում:
- 3.6. Հաշվետվությունների ներկայացման վերջնաժամկետն է ֆինանսավորման մեկնարկից հետո յուրաքանչյուր 12-րդ ամսվա վերջին աշխատանքային օրը:
- 3.7. **Նախագիծն** իրականացվում է պայմանագրում նշված ժամկետներում:

4. Գիտահետազոտական խումբը

- 4.1. **Նախագիծը** մշակում և իրականացնում է 4-7 անդամից բաղկացած գիտահետազոտական խումբը (այսուհետ՝ **խումբ**), որը կազմված է ղեկավարից (այսուհետ՝ **Խմբի ղեկավար**) և կատարողներից (այսուհետ՝ միասին՝ **Խմբի անդամներ**):
- 4.2. **Խմբում** պետք է ընդգրկվի՝
 - առնվազն 5 անդամ (ներառյալ **Խմբի ղեկավարը**)՝ **Հավելված 2.1**-ի «1-4» բնագավառների համար,
 - առնվազն 4 անդամ (ներառյալ **Խմբի ղեկավարը**)՝ **Հավելված 2.1**-ի «5-6» բնագավառների համար:
- 4.3. **Խմբի անդամները Հայտ** ներկայացնելու փուլում կարող են լինել ինչպես Հայաստանի Հանրապետության, այնպես էլ օտարերկրյա քաղաքացիներ:
- 4.4. **Խմբի անդամները Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև **Նախագծի** իրականացման ընթացքում բնակվեն Հայաստանի Հանրապետությունում:

4.5. **Խումբը** պետք է ունենա օտարերկրյա գործընկեր (այսուհետ՝ **Գործընկեր** (Foreign Partner; Collaborator)):

4.6. **Խմբի** անունից հանդես է գալիս միայն **Խմբի ղեկավարը**:

5. **Խմբի ղեկավարը**

5.1. **Հայտը** ներկայացնում է **Խմբի ղեկավարը**:

5.2. **Խմբի ղեկավար** կարող է լինել այն անձը, ով՝

- ծնվել է 1974 թվականի հունվարի 1-ից հետո,
- ունի գիտական աստիճան,
- **Կազմակերպությունում** 2024 թվականի հուլիսի 26-ի (**Հայտերի** ընդունման վերջնաժամկետի) դրությամբ առնվազն վեց ամիս զբաղեցնում է **Ստորաբաժանման** ղեկավարի պաշտոն:

5.3. **Խմբի ղեկավարի** ղեկավարած **Ստորաբաժանման՝ Հայտում** ընդգրկված աշխատակիցների գումարային աշխատաժամանակի տևողությունը բազային ֆինանսավորմամբ իրականացվող ծրագրում 2024 թվականի հուլիսի 26-ի (**Հայտերի** ընդունման վերջնաժամկետի) դրությամբ պետք է լինի շաբաթական առնվազն 120 ժամ (այն համապատասխանում է 3 լրիվ զբաղվածության համարժեքին (Full Time Equivalent. FTE)):

5.4. **Խմբի ղեկավարը** պետք է ներկայացնի վերջին 5 տարիների (2019-2024 թթ.)՝

Հավելված 2.1 -ի «1-5» բնագավառների մասնագիտություններով.

- առնվազն 4 գիտական հրապարակում **ՄԳՇ**-ում:

Հավելված 2.1-ի «6» բնագավառի մասնագիտություններով.

- առնվազն 2 գիտական հրապարակում **ՄԳՇ**-ում,

կամ

- 1 **Մենագրություն**:

Հավելված 2.1-ի «6» բնագավառի մասնագիտությունների համար 1 **Մենագրությունը** համարժեք է **ՄԳՇ**-ում ընդգրկված 4 հրապարակման:

5.5. Բեալի ցանկերում (Beall's list, <https://beallslist.net/>) ներառված կեղծ կամ «գիշատիչ» հրատարակչություններում կամ պարբերականներում հրատարակված հրապարակում ներկայացնելու դեպքում **Հայտը** գիտական փորձաքննության ենթարկելու հարցը կքննարկվի **Հայտերի** գնահատման փուլում:

5.6. **Խմբի ղեկավարը** պատասխանատու է **Խմբի** կազմավորման և **Նախագծի** իրականացման հաջող ընթացքի համար:

6. **Խմբի անդամները**

6.1. **Խմբի անդամները Հայտ** ներկայացնելու փուլում կարող են լինել ինչպես Հայաստանի Հանրապետության, այնպես էլ օտարերկրյա քաղաքացիներ:

6.2. **Խմբի անդամները Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև **Նախագծի** իրականացման ընթացքում բնակվեն Հայաստանի Հանրապետությունում:

6.3. **Խմբի անդամներից** առնվազն երկուսը պետք է ծնված լինեն 1989 թվականի հունվարի 1-ից հետո և կարող են լինել բակալավրիատի առնվազն երրորդ կուրսի ուսանողներ: Նշված տարիքային շեմը կարող է բարձրանալ.

- զինված ուժերում ծառայած լինելու դեպքում՝ 2 տարով,
- երեխայի խնամքի արձակուրդում գտնված լինելու դեպքում՝ յուրաքանչյուր երեխայի համար 1 տարով:

6.4. **Խմբի** կատարողները կարող են լինել **Նախագծի** գիտական և գիտատեխնիկական բնագավառին առնչվող մասնագիտությամբ բակալավրիատի առաջին կամ երկրորդ կուրսի ուսանողներ, եթե դպրոցական առարկայական օլիմպիադայի հանրապետական փուլում 11-րդ կամ 12-րդ դասարաններում արժանացել են առնվազն երրորդ կարգի դիպլոմի:

6.5. **Խմբի ղեկավարի** ղեկավարած **Ստորաբաժանման՝ Հայտում** ընդգրկված աշխատակիցները պետք է ներկայացնեն վերջին 5 տարիների (2019-2024 թթ.)՝

Հավելված 2.1-ի «1-5» բնագավառների մասնագիտություններով.

- 8 գիտական հրապարակում **ՄԳՇ-ում**,

կամ

- 2 **Մենագրություն**,

Հավելված 2.1-ի «6» բնագավառի մասնագիտություններով.

- 4 գիտական հրապարակում **ՄԳՇ-ում**,

կամ

- 1 **Մենագրություն**:

Հավելված 2.1-ի «6» բնագավառի մասնագիտությունների համար 1 Մենագրությունը համարժեք է ՄԳՇ-ում ընդգրկված 4 հրապարակման:

6.6. Խմբի անդամները չեն կարող ընդգրկվել **Մրցույթին** ներկայացված մեկից ավելի **Հայտերում:**

6.7. Խմբի անդամները չեն կարող ընդգրկվել **Մրցույթին** ներկայացված **Հայտում**, եթե հանդիսանում են հետևյալ մրցույթների շահառուներ.

- «Առաջատար հետազոտությունների աջակցության գիտական թեմաների հայտերի ընտրության մրցույթ» (2021 թ.),

- «Հայաստանի Հանրապետության գիտական համայնքին արտերկրի գիտնականների ինտեգրմանն աջակցության ծրագիր» (2022 թ., 2023 թ., 2024 թ.),

- «Հեռավար լաբորատորիաների հիմնադրման ծրագիր» (2022 թ., 2023 թ., 2024 թ.),

- «Գիտական խմբերի կամ լաբորատորիաների (բաժինների) ամրապնդմանն աջակցություն - 2023 թ.»

- «Գիտական արդյունավետության խթանման դրամաշնորհային ծրագիր - 2025» մրցույթ:

7. Օտարերկրյա գործընկերը (Գործընկերը)

7.1. Խումբը պետք է ունենա օտարերկրյա գործընկեր (Գործընկեր):

7.2. Գործընկեր կարող է լինել այն անձը, ով՝

- ունի գիտական աստիճան,

- **Նախագծին** առնչվող մասնագիտությամբ զբաղվում է գիտահետազոտական գործունեությամբ արտերկրի գիտական կազմակերպությունում:

7.3. Գործընկերոջ Հիրշի ինդեքսը (h-index)՝

Հավելված 2.1-ի «1-4» բնագավառների մասնագիտություններով պետք է լինի առնվազն 10՝ ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների,

Հավելված 2.1-ի «5-6» բնագավառի մասնագիտություններով պետք է լինի առնվազն 3 կամ վերջին 5 տարիների ընթացքում տվյալ ուղղությամբ **Գործընկերը** պետք է ունենա առնվազն 4 գիտական հրապարակում **ՄԳՇ-ում** կամ 1 **Մենագրություն:**

7.4. Գործընկերը չի հանդիսանում **Խմբի** անդամ և նրա համար աշխատանքի վարձատրություն չի նախատեսվում:

7.5. **Գործընկերը Խմբի ղեկավարին** է տրամադրում մասնագիտական ինքնակենսագրությունը (CV) և հաստատող նամակը (Confirmation Letter), որով հավաստում է, որ ծանոթ է **Նախագծի** բովանդակությանը և իր գործառույթների շրջանակին, համաձայն է մասնակցել հետազոտական աշխատանքներին և նախատեսվող համատեղ գիտափորձերին, քննարկումներին, սեմինարներին և այլ միջոցառումներին: Վերոնշյալ փաստաթղթերը **Գործընկերն** իր պաշտոնական էլեկտրոնային փոստի հասցեից ուղարկում է նաև grants@hesc.am էլեկտրոնային փոստի հասցեին:

7.6. Որպես **Նախագծի** վերջնարդյունք ներկայացված հրապարակումներից առնվազն մեկը պետք է լինի **Գործընկերոջ** համահեղինակությամբ:

7.7. **Նախագծի** իրականացման ամբողջ ժամանակահատվածում (60-ամսյա կտրվածքով) **Գործընկերը** պետք է առնվազն 25 օր գտնվի Հայաստանի Հանրապետությունում և առնվազն 25 օր իր գիտական կազմակերպությունում ընդունի **Խմբի անդամներին**:

7.8. **Գործընկերը** չի կարող ընդգրկվել **Մրցույթին** ներկայացված մեկից ավելի **Հայտերում**:

8. Կազմակերպությանը ներկայացվող պահանջները

8.1. **Կազմակերպությունը** պետք է լինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորման ծրագիր իրականացնող:

8.2. **Կազմակերպությունը, Նախագծի** իրականացման ընթացքում, ապահովում է **Խմբի անդամների** հասանելիությունը առկա ենթակառուցվածքներին և սարքավորումներին:

8.3. **Կազմակերպությունը** աջակցում է **Նախագծի** իրականացմանը:

8.4. **Կազմակերպությունը Խմբի ղեկավարին** տրամադրում է **Կազմակերպության** գիտական ուղղություններին **Նախագծի** համապատասխանությունը, կարևորությունը և արդիականությունը հիմնավորող՝ **Կազմակերպության** (բուհի ֆակուլտետի) գիտական խորհրդի եզրակացություն:

8.5. **Նախագծի** իրականացման 36 ամիսը լրանալու դրությամբ **Խմբի ղեկավարի** ղեկավարած **Ստորաբաժանման՝ Հայտում** ընդգրկված աշխատակիցների գումարային աշխատաժամանակի տևողությունը բազային ֆինանսավորմամբ

իրականացվող ծրագրում պետք է լինի շաբաթական առնվազն 200 ժամ (այն համապատասխանում է 5 լրիվ զբաղվածության համարժեքին (Full Time Equivalent. FTE)):

- 8.6. **Կազմակերպության** ղեկավարը **Խմբի ղեկավարին** է տրամադրում տեղեկանք, որ ծանոթ է **Մրցույթի** հրավերի պայմաններին և պատրաստ է **Նախագծի** հաջող ընթացքի պարագայում **Կազմակերպության** բազային ֆինանսավորման ֆինանսական միջոցներով ապահովել սույն հրավերի «8.5.» ենթակետով նախատեսված պայմանը:
- 8.7. Ծախսերի նախահաշվի (այսուհետ՝ **Նախահաշիվ**), «Այլ ծախսեր» հոդվածի «Վերադիր ծախսեր» ենթահոդվածով նախատեսված ֆինանսական միջոցներով **Կազմակերպության** ղեկավարն ապահովում է **Կազմակերպության** (բուհի գիտական մասի) գործունեությունը և ստեղծում **Նախագծի** կատարման համար անհրաժեշտ պայմաններ:
- 8.8. **Նախագծի** իրականացման համար անհրաժեշտ սարքերը, նյութերը և ծառայությունները ձեռք են բերվում «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:
- 8.9. Ձեռք բերված սարքերն ու սարքավորումները ներառվում են **Կազմակերպության** հաշվեկշռում, տնօրինման իրավունքը պատկանում է **Կազմակերպությանը՝** հետագայում ևս կանոնադրական նպատակներով օգտագործման (գիտական և գիտահետազոտական աշխատանքների իրականացման) համար:
- 8.10. **Նախագիծը** ֆինանսավորման երաշխավորվելուց հետո **Կազմակերպության, Կոմիտեի** և **Խմբի ղեկավարի** միջև կնքվում է գիտական և գիտատեխնիկական գործունեության պայմանագրային թեմաների իրականացման համար պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագիր (այսուհետ՝ **Պայմանագիր**):

9. Ակնկալվող արդյունքները

- 9.1. **Նախագծի** շրջանակներում իրականացված հետազոտության արդյունքները հրապարակելիս անհրաժեշտ է նշել **Կոմիտեի** կողմից ստացած ֆինանսավորման մասին.

- The research was supported by the Higher Education and Science Committee of MESCS RA (Research project № _____).

9.2. Նախագծի կատարման 35 ամիսը լրանալուց հետո **Խմբի** անդամները պետք է ունենան որպես աշխատավայր (affiliation) **Կազմակերպության** և սույն հրավերի «9.1.» ենթակետով սահմանված նշումներով.

Հավելված 2.1-ի «1-5» բնագավառների մասնագիտություններով.

- առնվազն 4 գիտական հրապարակում **ՄԳՇ**-ում, որոնցից առնվազն 2-ը «Scimago Journal & Country Ranking (SJR)»-ում ամսագրերի դասակարգման առաջին կամ երկրորդ քառորդում (Q1 կամ Q2) ընդգրկված ամսագրերում (<https://www.scimagojr.com/journalrank.php>),

Հավելված 2.1-ի «6» բնագավառի մասնագիտություններով.

- առնվազն 2 գիտական հրապարակում **ՄԳՇ**-ում,

կամ

- 1 **Մենագրություն:**

Ուշադրություն. Համապատասխան նշումների բացակայության դեպքում հրապարակումը չի համարվի **Նախագծի** իրականացման արդյունք, հետևաբար՝ հաշվի չի առնվի հաշվետվության մեջ:

9.3. Նախագծի կատարման 35 ամիսը լրանալուց հետո սույն հրավերի «9.2.» ենթակետի պայմանները չկատարելու դեպքում **Նախագծի** ֆինանսավորումը կարող է դադարեցվել:

9.4. Նախագծի ավարտից հետո (60-ամսյա կտրվածքով) **Խմբի** անդամները պետք է ունենան որպես աշխատավայր (affiliation) **Կազմակերպության** և սույն հրավերի «9.1.» ենթակետով սահմանված նշումներով.

Հավելված 2.1-ի «1-5» բնագավառների մասնագիտություններով.

- առնվազն 10 գիտական հրապարակում **ՄԳՇ**-ում, որոնցից առնվազն 2-ը՝ Q1 և առնվազն 2-ը՝ Q2 քառորդներում ընդգրկված պարբերականներում,

Հավելված 2.1-ի «6» բնագավառի մասնագիտություններով.

- առնվազն 6 գիտական հրապարակում **ՄԳՇ**-ում, որոնցից առնվազն 2-ը՝ Q1 և առնվազն 2-ը՝ Q2 քառորդներում ընդգրկված պարբերականներում,

կամ

- 2 Մենագրություն:

Հավելված 2.1-ի «6» բնագավառի մասնագիտությունների համար 1 Մենագրությունը համարժեք է ՄԳՇ-ում ընդգրկված 4 հրապարակման:

- 9.5. Որպես արդյունք ներկայացված գիտական հրապարակումներում, **Հավելված 2.1-ի «1-5»** բնագավառների մասնագիտություններով՝ առնվազն 5-ում, իսկ **Հավելված 2.1-ի «6»** բնագավառի մասնագիտություններով՝ առնվազն 3-ում, **Խմբի ղեկավարը** պետք է լինի կամ առաջին, կամ վերջին, կամ նամակագրություն վարող (corresponding author) հեղինակ, կամ ունենա որևէ համարժեք նշում, և առնվազն 1 գիտական հրապարակում պետք է լինի **Գործընկերոջ** համահեղինակությամբ:
- 9.6. **Նախագծի** կատարման արդյունքում ակնկալվում է **Հավելված 2.1-ի «1-5»** բնագավառների մասնագիտություններով 25,000.0 հազար դրամը գերազանցող, իսկ **Հավելված 2.1-ի «6»** բնագավառի մասնագիտություններով՝ 15,000.0 հազար դրամը գերազանցող միջազգային գիտական դրամաշնորհի առնվազն մեկ դիմում (submitted grant):
- 9.7. **Նախագծի** իրականացման ընթացքում **Խումբը** պետք է ապահովի **Նախագծի** կամ գիտության տվյալ բնագավառի վերաբերյալ գիտահանրամատչելի նյութերի ստեղծում և հանրայնացում (հարցազրույցներ, գիտահանրամատչելի ամսագրերում հրապարակումներ, տեսանյութերի ստեղծում և տարածում, լայն լսարանի համար քննարկումների կազմակերպում և այլն), որոնք հաշվի կառնվեն ամփոփիչ հաշվետվությունն ընդունելու մասին եզրակացություն տալիս:
- 9.8. Սույն հրավերի «9.1.», «9.3.», «9.4.» և «9.6.» ենթակետերով նշված պայմանները չկատարելը/կատարելը կանդրադառնա **Կոմիտեի** կողմից հետագայում հայտարարվող մրցույթներում **Խմբի անդամների** ընդգրկմամբ հայտի գնահատականի վրա՝ դրանից հանելով/գումարելով տվյալ մրցույթում հայտի առավելագույն գնահատականի 5 տոկոսի չափով միավոր՝ **Խմբի ղեկավարի** ընդգրկված լինելու դեպքում և 1 տոկոսի չափով միավոր՝ **Խմբի** կատարողներից յուրաքանչյուրի դեպքում: Հանրագումարում կհանվի/կգումարվի տվյալ մրցույթում հայտի առավելագույն գնահատականի ոչ ավելի, քան 5 տոկոսի չափով միավոր: Հետագա մրցույթներին ներկայացվելիք հայտի գնահատականի նվազեցումը կչեղարկվի սույն հրավերի «9.1.», «9.3.», «9.4.» և «9.6.» ենթակետերով նշված պայմանները բավարարելու մասին **Կոմիտե** ներկայացված տեղեկատվության հիման վրա:

II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԿԱՐԳԸ

10. Հայտ և անհրաժեշտ փաստաթղթեր ներկայացնելը

10.1. Հայտը լրացնում և ներկայացնում է **Խմբի ղեկավարը՝ Համակարգի** (grants.hesc.am) միջոցով: Հայտի ուղարկման վերջնաժամկետն է 2024 թվականի հուլիսի 26-ը (**Հայտերի** ուղարկման հնարավորությունն արգելափակվում է Երևանի ժամանակով ժամը 18:00-ին):

10.2. Համակարգի միջոցով Հայտն ուղարկելուց հետո **Խմբի ղեկավարը** թղթային տարբերակով **Կազմակերպություն** է ներկայացնում հետևյալ փաստաթղթերի փաթեթը.

- **Համակարգում** ձևավորված և ծածկագիր ստացած **Հայտի** տիտղոսաթերթը և **Նախահաշիվը**, ինչպես նաև **Համակարգում** ինքնաշխատ եղանակով կազմված **Խմբի ղեկավարի** դիմումը,
- գիտական խորհրդի համապատասխան եզրակացությունը (Board Conclusion),
- **Կազմակերպության** ղեկավարի՝ սույն հրավերի «8.6.» ենթակետով պահանջվող տեղեկանքը,
- **Գործընկերոջ** մասնագիտական ինքնակենսագրությունը (CV) և հաստատող նամակը (Confirmation Letter),
- **Խմբի** անդամների ասպիրանտ կամ ուսանող հանդիսանալու դեպքում՝ համապատասխան տեղեկանքները, որտեղ նշված են մասնագիտությունը և ուսուցման տարին,
- տարիքային շեմը բարձրացնելու համար՝ զինվորական գրքույկի պատճենը կամ երեխայի խնամքի արձակուրդի մասին համապատասխան փաստաթղթի պատճենը:

10.3. Անհրաժեշտության դեպքում կարող են պահանջվել այլ փաստաթղթեր:

10.4. **Կազմակերպության** ներկայացուցիչը (գիտական քարտուղար կամ այլ պատասխանատու անձ) մինչև 2024 թվականի օգոստոսի 2-ը ներառյալ, մեկ ընդհանուր փաթեթով, **Կազմակերպության** ղեկավարի գրությամբ (**Հավելված 2.3**), աշխատանքային ժամերին **Կոմիտե** է ներկայացնում **Կազմակերպության** կողմից ներկայացված բոլոր **Հայտերի** փաթեթները՝ առձեռն (Օրբելի եղբայրների փողոց 22, 7-րդ հարկ, 708 սենյակ):

10.5. **Մրցույթի** վերաբերյալ լրացուցիչ տեղեկատվություն և խորհրդատվություն կարելի է ստանալ **Կոմիտեից** (հեռախոս՝ (010) 210140 (ներքին 113), էլեկտրոնային փոստի հասցե՝ scexpert@hesc.am):

Ուշադրություն. **Կոմիտեն քննարկման է ընդունում միայն Համակարգի կողմից ձևավորված և ծածկագիր ստացած Հայտերը: Հայտերը, որոնք չեն ուղարկվել վերը նշված ընթացակարգով և ժամկետներում, քննարկման ենթակա չեն:**

11. **Նախահաշվի կազմությունը** **Նախահաշիվը** կազմված է «Աշխատանքի վարձատրություն» և «Այլ ծախսեր» հոդվածներից: «Այլ ծախսեր» հոդվածը բաղկացած է «Սարքեր, նյութեր և ծառայություններ», «Գործուղումներ», «Խմբի կամ լաբորատորիայի (բաժնի) ամրապնդում» և «Վերադիր ծախսեր» ենթահոդվածներից: Ֆինանսավորման առավելագույն չափը կարող է լինել՝ 7 անդամից բաղկացած **խմբի** համար՝ 176,000.0 հազար (մեկ հարյուր յոթանասունվեց միլիոն) դրամ,

- 6 անդամից բաղկացած **խմբի** համար՝ 153,000.0 հազար (մեկ հարյուր հիսուներեք միլիոն) դրամ,

- 5 անդամից բաղկացած **խմբի** համար՝ 130,000.0 հազար (մեկ հարյուր երեսուն միլիոն) դրամ,

- 4 անդամից բաղկացած **խմբի** համար՝ 107,000.0 հազար (մեկ հարյուր յոթ միլիոն) դրամ:

11.3. **Նախահաշվի** «Աշխատանքի վարձատրություն» հոդվածում **խմբի անդամների** աշխատանքի ամսական վարձատրության միջին հաշվարկային չափն ընդունել մինչև 300.0 հազար (երեք հարյուր հազար) դրամ՝ ներառյալ հարկերը և այլ պարտադիր վճարները: Աշխատանքի վարձատրության գումարը սույն հրավերի «11.3.» ենթակետում նշված չափից պակաս նախատեսելու դեպքում՝ տարբերությունը կարող է օգտագործվել **Նախահաշվի** «Այլ ծախսեր» հոդվածում: **Գործընկերը** չի հանդիսանում **խմբի անդամ** և նրա համար աշխատանքի վարձատրություն չի նախատեսվում: **Նախահաշվի** «Այլ ծախսեր» հոդվածի «Սարքեր, նյութեր և ծառայություններ», «Գործուղումներ» և «Վերադիր ծախսեր» ենթահոդվածներով 60-ամսվա համար կարելի է նախատեսել 7 անդամից բաղկացած **խմբի** համար՝ 35,000.0 հազար (երեսունհինգ միլիոն) դրամ,

- 6 անդամից բաղկացած **Խմբի** համար՝ 30,000.0 հազար (երեսուն միլիոն) դրամ,
 - 5 անդամից բաղկացած **Խմբի** համար՝ 25,000.0 հազար (քսանհինգ միլիոն) դրամ,
 - 4 անդամից բաղկացած **Խմբի** համար՝ 20,000.0 հազար (քսան միլիոն) դրամ:
- Վերոնշյալ գումարները կարող են ավելանալ սույն հրավերի «11.4.» ենթակետում նշված տարբերության չափով:**Նախահաշվի** «Այլ ծախսեր» հոդվածի «Խմբի կամ լաբորատորիայի (բաժնի) ամրապնդում» ենթահոդվածով առաջին 12-ամսվա համար կարող է նախատեսվել 15,000.0 հազար (տասնհինգ միլիոն) դրամ, որը կարող է օգտագործվել Խմբի կամ լաբորատորիայի (բաժնի) ենթակառուցվածքի բարելավման ուղղությամբ և **Նախագծի** կատարման համար անհրաժեշտ այլ ծախսերի համար:**Նախահաշվի** «Այլ ծախսեր» հոդվածի «Վերադիր ծախսեր» ենթահոդվածով (60 ամսվա համար) կարող է նախատեսվել մինչև 2,500.0 հազար (երկու միլիոն հինգ հարյուր հազար) դրամ:**Նախահաշվի** «Այլ ծախսեր» հոդվածի «Սարքեր, նյութեր և ծառայություններ» ենթահոդվածով կարող են նախատեսվել գիտական սարքավորումների, հետազոտությունների ընթացքում օգտագործվող նյութերի և ծառայությունների ձեռքբերման ծախսեր: Ծառայությունների մատուցման պայմանագիր կարող է կնքվել միայն իրավաբանական անձի հետ՝ նախապես համաձայնեցնելով **Կոմիտեի** հետ: Գիտական սարքերի և սարքավորումների ձեռքբերումը չի կարող նախատեսվել **Նախագծի** իրականացման վերջին տարում:**Նախահաշվի** «Այլ ծախսեր» հոդվածի «Գործուղումներ» ենթահոդվածով նախատեսվող գումարը կարող է օգտագործվել **Նախագծի** իրականացման, ընթացքի ու արդյունքների ներկայացման նպատակով միջազգային գիտաժողովներին մասնակցության համար, ինչպես նաև **Գործընկերոջ** և **Խմբի անդամների** փոխադարձ այցելությունների ծախսերը հոգալու համար: Գործուղումների օրապահիկը և գիշերավարձը հաշվարկելիս անհրաժեշտ է առաջնորդվել Հայաստանի Հանրապետության կառավարության 2005 թվականի դեկտեմբերի 29-ի N 2335-Ն որոշմամբ:**Նախահաշվի** բոլոր ենթահոդվածների ծախսերը պետք է հիմնավորել **Նախահաշվի** մեկնաբանության մեջ:**Հայտի** քննարկման ընթացքում **Նախահաշվի** հիմնավորվածությունը և բաշխումը կարող են լրամշակվել **Խմբի ղեկավարի** համաձայնությամբ:III.

ՀԱՅՏԵՐԻ ՔՆՆԱՐԿՈՒՄԸ ԵՎ ԳՆԱՀԱՏՈՒՄԸ

12. Հայտերի համապատասխանությունը Մրցույթի պայմաններին

12.1. Կոմիտեն ստուգում է

- Հայտերի համապատասխանությունը Մրցույթի հրավերի պայմաններին,
- Բեալի ցանկերում (*Beall's list*, <https://beallslit.net/>) ներառված կեղծ կամ «գիշատիչ» հրատարակչություններում կամ պարբերականներում հրատարակված հրապարակումների առկայությունը **Հայտում**:

12.2. Հայտը չի քննարկվում, եթե՝

- չի պարունակում բոլոր անհրաժեշտ փաստաթղթերը,
- չի բավարարում Մրցույթի հրավերի պայմաններին,
- բովանդակությամբ համընկնում է Հայաստանի Հանրապետության պետական բյուջեից ֆինանսավորվող կամ ֆինանսավորված որևէ այլ նախագծի հետ:

12.3. Ստուգման արդյունքները տրամադրվում են **Հայտերի** գնահատման նպատակով ստեղծված մասնագիտական փորձագիտական խորհրդին (այսուհետ՝ **Խորհուրդ**):

12.4. Խորհուրդը քննարկում և հաստատում է գիտական փորձաքննության ենթակա **Հայտերի** ցանկը:

12.5. Մրցույթի պայմաններին չհամապատասխանող **Հայտը** գիտական փորձաքննության փուլ չի անցնում, որի մասին **Համակարգի** (grants.hesc.am) միջոցով տեղեկացվում է **Խմբի ղեկավարը**:

13. Գիտական փորձաքննությունը

13.1. Խորհուրդը **Կոմիտեի** հետ համատեղ մշակում ու հաստատում է **Հայտերի** գիտական փորձաքննության առաջին և երկրորդ փուլերի գնահատման թերթիկները և վարման ընթացակարգը:

13.2. Գիտական փորձաքննության առաջին փուլում Խորհուրդը գնահատում է **Նախագծի** ընդարձակ ամփոփագիրը (**Հավելված 2.4**):

13.3. Գիտական փորձաքննության երկրորդ փուլում փորձագետը գնահատում է **Հայտը՝ Նախագիծը**, իսկ **Խորհուրդը** անցկացնում է հարցազրույց **Խմբի ղեկավարի** հետ:

13.4. **Կոմիտեի, Խորհրդի** և փորձագետների կողմից **Հայտի** բովանդակության, գիտական փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է՝ համաձայն «Գիտական և գիտատեխնիկական փորձաքննության մասին» Հայաստանի Հանրապետության օրենքով սահմանված դրույթների:

14. **Գիտական փորձաքննության առաջին փուլը** (ընդարձակ ամփոփագրի գնահատում)
- 14.1. Գիտական փորձաքննության առաջին փուլում **Խորհուրդը**, հաշվի առնելով **Նախագծի** ընդարձակ ամփոփագիրը, **Խմբի ղեկավարի** գիտական հետազիծը (track record), մասնագիտական ինքնակենսագրությունը (CV), **Կազմակերպության** և **Գործընկերոջ** համապատասխանությունը **Նախագծի** նպատակներին, կոնսենսուսի սկզբունքով ձևավորում է առաջին փուլը հաղթահարած **Հայտերի** ցանկը, որոնք անցնում են փորձաքննության հաջորդ փուլ:
- 14.2. Գիտական փորձաքննության առաջին փուլը չհաղթահարած **Հայտը** երկրորդ փուլ չի անցնում, որի մասին **Համակարգի** (grants.hesc.am) միջոցով տեղեկացվում է **Խմբի ղեկավարը**:
15. **Գիտական փորձաքննության երկրորդ փուլը** (փորձագետի գնահատում)
- 15.1. Փորձաքննության առաջին փուլը հաղթահարած **Հայտերը** ենթարկվում են գիտական փորձաքննության, իսկ **Խմբի ղեկավարների** հետ անցկացվում են հարցազրույցներ: Այս փուլում գնահատվում են **Նախագծի** արդի վիճակը, նորույթը, բեկումնային բնույթը, **Կազմակերպությունում Նախագծի** իրականացման նախադրյալները, ազդեցությունը ոլորտի զարգացման վրա, աշխատանքի ծավալի, իրականացման ժամկետների հիմնավորվածությունը, համագործակցության նպատակահարմարությունը, գիտական արդյունքների տնօրինումը և տարածումը, **Նախահաշվի** հիմնավորվածությունը, միջազգային համագործակցության աստիճանը, **Խմբի** և **Գործընկերոջ** մասնագիտական համապատասխանությունը **Նախագծին** և որակավորումը, ինչպես նաև **Մրցույթի** առանձնահատկություններից բխող այլ հարցեր:
- 15.2. **Հայտը** գիտական փորձաքննության է ենթարկվում առնվազն երկու փորձագետի կողմից: Որպես փորձագետ կարող է հանդես գալ նաև **Խորհրդի** անդամը:
- 15.3. Յուրաքանչյուր **Հայտի** համար փորձագետը լրացնում է գիտական փորձաքննության գնահատման թերթիկը:
- 15.4. Փորձագետի առավելագույն գնահատականը կազմում է Հայտի առավելագույն գնահատականի 50 տոկոսը:

15.5. Երկու փորձագետների գնահատականները փորձագետի առավելագույն գնահատականի 30 և ավելի տոկոսով տարբերվելու դեպքում **Հայտը** ենթարկվում է փորձաքննության երրորդ փորձագետի կողմից:

16. **Գիտական փորձաքննության երկրորդ փուլը** (հարցազրույց)

16.1. **Խորհուրդը** անցկացնում է հարցազրույց **Խմբի ղեկավարի** հետ:

16.2. Յուրաքանչյուր **Հայտի** համար **Խորհրդի** անդամը լրացնում է հարցազրույցի գնահատման թերթիկը:

16.3. Հարցազրույցի առավելագույն գնահատականը կազմում է **Հայտի** առավելագույն գնահատականի 50 տոկոսը:

17. **Գնահատման արդյունքները**

17.1. **Հայտի** գիտական փորձաքննության երկրորդ փուլի արդյունքում ձևավորված գնահատականը երկու փորձագետների գնահատականների միջին թվաբանականի և **Խորհրդի** գնահատականի գումարն է, իսկ եթե **Հայտը** գնահատվել է երեք փորձագետի կողմից, ապա **Հայտի** գնահատականը փորձագետների՝ երկու իրար մոտ գնահատականների միջին թվաբանականի (երեք փորձագետների գնահատականների հավասար տարբերությունների դեպքում՝ երկու առավելագույն գնահատականների միջին թվաբանականի) և **Խորհրդի** գնահատականի գումարն է:

17.2. **Հայտի** վերջնական գնահատականը ձևավորվում է **Մրցույթի** գիտական փորձաքննության երկրորդ փուլի արդյունքում ձևավորված գնահատականին հանելով/գումարելով **Մրցույթում Հայտի** առավելագույն գնահատականի 1-5 տոկոսի չափով միավոր՝ **Խմբի անդամների՝** նախորդ մրցույթների «Ակնկալվող արդյունքների» կատարողականի հիման վրա:

17.3. **Կոմիտեն** գիտական փորձաքննության երկրորդ փուլ անցած **Հայտերի** գնահատականների հիման վրա ձևավորում է **Հայտերի** վարկանիշային ցանկ՝ գնահատականների նվազման կարգով և ներկայացնում **Խորհրդին՝** քննարկման:

17.4. **Խորհուրդը** հաստատում է **Հայտերի** գնահատականների վարկանիշային ցանկը և առաջարկում գիտական և գիտատեխնիկական գործունեության յուրաքանչյուր բնագավառի շեմային գնահատականը:

- 17.5. **Կոմիտեն**, ելնելով Հայաստանի Հանրապետության պետական բյուջեի համապատասխան հատկացումների չափից, որոշում է գիտական և գիտատեխնիկական գործունեության յուրաքանչյուր բնագավառի շեմային գնահատականը և **Նախարարի** հաստատմանն է ներկայացնում ֆինանսավորման երաշխավորված **Հայտերի** ցանկը, **Խմբերի ղեկավարների** ցուցակը և յուրաքանչյուր **Նախագծի** իրականացման համար նախատեսվող ֆինանսավորման չափը:
- 17.6. **Նախարարի** հրամանով հաստատվում է ֆինանսավորման երաշխավորված **Հայտերի** ցանկը և ֆինանսավորման չափը:
- 17.7. **Մրցույթի** արդյունքում ֆինանսավորման երաշխավորված **Հայտերի** ցանկը հրապարակվում է **Կոմիտեի** պաշտոնական կայքում:
- 17.8. **Կոմիտեն** **Կազմակերպության** ղեկավարին տրամադրում է տեղեկություններ՝ տվյալ **Կազմակերպությունից Մրցույթի** շահառու **Հայտերի** վերաբերյալ:
- 17.9. **Կոմիտեն** **Համակարգի** (grants.hesc.am) միջոցով **Խմբի ղեկավարին** տրամադրում է **Հայտի** փորձաքննության արդյունքները և անցողիկ շեմային գնահատականը:

IV. ԱՅԼ ԴՐՈՒՅԹՆԵՐ

18. **Պայմանագրերի կնքումը**
- 18.1. **Կոմիտեի, Կազմակերպության և Խմբի ղեկավարի** միջև կնքվում է **Համակարգում** ինքնաշխատ եղանակով կազմված **Պայմանագիր**:
- 18.2. **Խմբի անդամների** ամսական վարձատրությունն ապահովելու համար, Հայաստանի Հանրապետության «Քաղաքացիական օրենսգրքով» սահմանված կարգով կնքվում են պայմանագրեր.
- **Կազմակերպության և Խմբի ղեկավարի** միջև,
 - **Կազմակերպության, Խմբի ղեկավարի** և կատարողի միջև:
- Վերոնշյալ պայմանագրերի պատճենները **Կազմակերպության** ներկայացուցիչը (գիտական քարտուղար կամ այլ պատասխանատու անձ) ներկայացնում է **Կոմիտե**:
- 18.3. **Պայմանագրերը** կնքվում են **Մրցույթի** արդյունքները հրապարակելուց հետո՝ 10-օրյա ժամկետում:
- 18.4. **Նախագծերը** իրականացվում են **Պայմանագրում** նշված ժամկետներում:

19. Հաշվետվությունը

- 19.1. **Նախագծի** իրականացման մասին կազմվում են ընթացիկ և ամփոփիչ հաշվետվություններ: Վերջիններս, **Նախագծի** ֆինանսավորման մեկնարկից հետո յուրաքանչյուր 12-րդ ամսվա մինչև վերջին աշխատանքային օրը, **Կոմիտե** են ներկայացվում **Խմբի ղեկավարի** կողմից՝ **Համակարգի** (grants.hesc.am) միջոցով: Հաշվետվությունների հիման վրա **Խորհուրդը** տալիս է եզրակացություն՝ **Նախագծի** ֆինանսավորումը շարունակելու նպատակահարմարության կամ ամփոփիչ հաշվետվությունն ընդունելու մասին:
- 19.2. **Նախագծի** իրականացման 35-րդ ամսվա մինչև վերջին աշխատանքային օրը **Խմբի ղեկավարը Կոմիտե** է ներկայացնում եռամյա հաշվետվություն՝ ներառելով **Նախագծի** ակնկալվող միջանկյալ արդյունքները (սույն հրավերի «9.1.» ենթակետ), որոնց հիման վրա **Խորհուրդը** տալիս է եզրակացություն՝ **Նախագծի** հետագա ֆինանսավորումը դադարեցնելու կամ ևս 24 ամիս շարունակելու նպատակահարմարության մասին:
- 19.3. **Նախագծի** իրականացման 60-րդ ամսվա մինչև վերջին աշխատանքային օրը **Խմբի ղեկավարը Կոմիտե** է ներկայացնում ամփոփիչ հաշվետվություն՝ ներառելով **Նախագծի** ակնկալվող արդյունքները (սույն հրավերի «9.3.», «9.4.» և «9.6.» ենթակետեր), որոնց հիման վրա **Խորհուրդը** տալիս է եզրակացություն ամփոփիչ հաշվետվությունն ընդունելու մասին:
- 19.4. Գիտության համակարգի գործունեության որակի և արդյունավետության գնահատման նպատակով, սահմանված կարգով, **Կոմիտեն** կարող է իրականացնել **Նախագծի** ընթացիկ մշտադիտարկում և արդյունքները ներկայացնել **Խորհրդին**:
- 19.5. **Նախագծի** հետագա ֆինանսավորումը շարունակելու նպատակահարմարության մասին եզրակացություն տալիս՝ **Խորհուրդը** պետք է հաշվի առնի նաև **Կոմիտեի** իրականացրած մշտադիտարկման արդյունքները:
- 19.6. Ընթացիկ հաշվետվությունը սահմանված ժամկետում չներկայացնելու դեպքում **Նախագծի** հետագա ֆինանսավորումը կարող է դադարեցվել:
- 19.7. **Կոմիտեն** կարող է ֆինանսավորման երաշխավորված **Նախագծերի** անոտացիան և հաշվետվությունը հրապարակել տպագիր կամ էլեկտրոնային եղանակով:

20. Լրացուցիչ տեղեկություններ

- 20.1. Մտավոր սեփականության հեղինակային կամ արտոնագրային իրավունքի օբյեկտ հանդիսացող նյութեր պարունակող **Նախագիծ** և այնուհետև հաշվետվություն ներկայացնելու դեպքում **Խմբի ղեկավարը** պետք է առաջնորդվի «Հեղինակային իրավունքի և հարակից իրավունքների մասին» և «Գյուտերի, օգտակար մոդելների և արդյունաբերական նմուշների մասին» Հայաստանի Հանրապետության օրենքներով սահմանված դրույթներով:
- 20.2. **Խմբի ղեկավարը** կարող է կատարել **Պայմանագրի** նախահաշվի «Այլ ծախսեր» հոդվածի ենթահոդվածներով նախատեսված ծախսերի վերաբաշխում՝ **Կոմիտե** ներկայացնելով համապատասխան ձևաթղթով հիմնավորում և ստանալով **Կոմիտեի** գրավոր համաձայնությունը: Վերաբաշխում կատարելու դեպքում **Կոմիտե** է ներկայացվում **Պայմանագրի** նախահաշվի փոփոխված տարբերակը:
- 20.3. **Խմբի ղեկավարի** կողմից իր պարտականությունների կատարման անհնարինության դեպքում՝ **Կազմակերպության** ղեկավարի միջնորդությամբ, **Կազմակերպության** գիտական խորհրդի և **Խմբի** կատարողների համաձայնությամբ, **Կոմիտեի** գրավոր թույլտվությամբ կարելի է կատարել **Խմբի ղեկավարի** փոփոխություն: **Խմբի ղեկավարի** փոփոխության դեպքում կնքվում է **Պայմանագրի** անբաժանելի մաս կազմող համաձայնագիր, որով **Խմբի** նոր **ղեկավարը** պարտավորվում է **Նախագիծը** իրականացնել համաձայն **Պայմանագրի**:
- 20.4. **Խմբի ղեկավարը** կարող է կատարել **Խմբի** կատարողի կամ **Գործընկերոջ** համարժեք փոփոխություն՝ **Կոմիտե** ներկայացնելով համապատասխան ձևաթղթով հիմնավորում և ստանալով **Կոմիտեի** գրավոր համաձայնությունը: **Խմբի** կատարողի փոփոխություն կատարելու դեպքում **Կոմիտե** է ներկայացվում նոր կատարողի հետ կնքված պայմանագրի (համաձայնագրի) պատճենը:
- 20.5. **Խմբի ղեկավարը** կարող է դիմել **Կոմիտե**՝ կատարողների թիվը մեկով կրճատելու միջնորդությամբ (բավարարելով սույն հրավերի «4.2.» ենթակետով նշված պայմանը)՝ ներկայացնելով համապատասխան հիմնավորում: Կատարողների թվի կրճատման դեպքում կնքվում է **Պայմանագրի** անբաժանելի մաս կազմող համաձայնագիր, որով ամրագրվում է **Պայմանագրի** գնի փոփոխությունը:
- 20.6. **Խմբի** կատարողի կողմից իր պարտականությունների կատարման անհնարինության դեպքում, մինչև **Խմբում** նոր կատարող ընդգրկելը, **Խմբի**

ղեկավարը կարող է դիմել **Կոմիտե՝** տվյալ կատարողի աշխատանքի վարձատրությունը մինչև երեք ամիս տևողությամբ դադարեցնելու միջնորդությամբ (բավարարելով սույն հրավերի «4.2.» ենթակետով նշված պայմանը)՝ ներկայացնելով համապատասխան հիմնավորում: Եռամսյա ժամկետում կատարող չընդգրկելու դեպքում կատարողների թիվը կրճատվում է մեկով, և կնքվում է **Պայմանագրի** անբաժանելի մաս կազմող համաձայնագիր, որով ամրագրվում է **Պայմանագրի** գնի (ներառյալ երեք ամսվա աշխատանքի վարձատրության գումարը) փոփոխությունը:

20.7. Նախագծի իրականացման ընթացքում (ոչ շուտ, քան 12 ամիս անց) **Խմբի ղեկավարը** կարող է դիմել **Կոմիտե՝** կատարողների թիվը **Նախագծին** առնչվող մասնագիտություն ունեցող մինչև 35 տարեկան երկու կատարողներով ավելացնելու առաջարկով՝ ներկայացնելով համապատասխան հիմնավորում:

20.8. Սույն հրավերի «**20.7.**» ենթակետով ներգրավված կատարողներից առնվազն մեկը պետք է չլինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող որևէ կազմակերպության աշխատակից:

20.9. Կատարողների թիվն ավելանալու պարագայում **Պայմանագրի** գինն ավելանում է յուրաքանչյուր նոր կատարողի համար մինչև 1,800.0 հազար դրամով (12-ամսյա կտրվածքով):

20.10. Խմբի անդամների՝ Հայաստանի Հանրապետությունից երկու ամսից ավելի բացակայելով հանդերձ **Նախագծում** աշխատանքները շարունակելու համար դեպքերը պետք է նախապես գրավոր համաձայնեցնել **Կոմիտեի** հետ:

21. Նախագծի ֆինանսավորման դադարեցումը

Կոմիտեն կարող է դադարեցնել **Նախագծի** ֆինանսավորումը, եթե.

- սահմանված ժամկետում չի ներկայացվել ընթացիկ հաշվետվություն կամ հաշվետվության վերաբերյալ **Խորհրդի** կողմից տրվել է բացասական եզրակացություն,

- առանց **Կոմիտեի** գրավոր համաձայնության **Նախահաշվի** «Այլ ծախսեր» հոդվածում կատարվել է վերաբաշխում,

- առանց **Կոմիտեի** գրավոր համաձայնության **Խմբի** կազմում կատարվել է փոփոխություն,

- առանց **Կոմիտեի** գրավոր համաձայնության **Խմբի անդամներից** որևէ մեկը երկու ամսից ավելի բացակայել է Հայաստանի Հանրապետությունից,
- չի կատարվել սույն հրավերի «**8.8.**» ենթակետում նշված պայմանը, ընդ որում՝ այն կանդիդատնա **Կազմակերպությունից Կոմիտե** ներկայացված հայտերի վրա՝ հետագա ծրագրի համար ստեղծված համապատասխան խորհրդի եզրակացությամբ որոշված չափով:

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ �ՆԱԳԱՎԱՌՆԵՐԸ ԵՎ
ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ**

1. �ՆԱԿԱՆ ԳԻՏՈՒԹՅՈՒՆՆԵՐ

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանական գիտություններ
- 1.6. Կենսաբանական գիտություններ

2. ՃԱՐՏԱՐԱԳԻՏՈՒԹՅՈՒՆ ԵՎ ՏԵԽՆՈԼՈԳԻԱ

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա

3. ԲԺՇԿԱԿԱՆ ԳԻՏՈՒԹՅՈՒՆՆԵՐ

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա

4. ԳՅՈՒՂԱՏՆՏԵՍԱԿԱՆ ԳԻՏՈՒԹՅՈՒՆՆԵՐ

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա

5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավունք
- 5.6. Քաղաքական գիտություններ
- 5.7. Սոցիալական և տնտեսական աշխարհագրություն
- 5.8. Զանգվածային լրատվություն և հաղորդակցություն

6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն

ՆԱԽԱԳԻԾ

Ներկայացնել անգլերեն*, մինչև 12 էջ՝ ներառյալ գրաֆիկները, գծագրերը,
լուսանկարները և գրականության ցանկը.

1. Համառոտ բնութագիրը (անոտացիա)

**2. Հետազոտական խնդրի վերաբերյալ գիտելիքների ներկա վիճակի մասին
վերլուծությունը**

3. Ծրագրի նպատակները և խնդիրները

4. Հետազոտական նախագիծը

5. Առկա նյութատեխնիկական ռեսուրսները: Գիտական մեթոդները

6. Օրացուցային պլանը (ըստ եռամսյակների կամ Գանտի աղյուսակ)

**7. Խմբի ձեռքբերումները տվյալ ոլորտում, օտարերկրյա գործընկերոջ
համապատասխանությունը Նախագծի նպատակներին**

8. Խմբի զարգացման հեռանկարները (ռիսկերը և հնարավորությունները)

9. Ակնկալվող արդյունքների քանակական և որակական ցուցանիշները (գիտական
հոդվածներ, գիտաժողովների նյութեր և այլն), նորարարական կարողության օգտագործում
(տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր
սեփականության տնօրինում (արտոնագիր, հեղինակային իրավունք և այլն), միջազգային
համագործակցային կապերի ամրապնդում, համագործակցության հեռանկարները)

10. Օգտագործված գրականության ցանկը

* Ցանկության դեպքում **Նախագիծը** կարող է ներկայացվել և՛ անգլերեն, և՛ հայերեն:

N _____

« ____ » _____ 2024 թ.

ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ
ԳԻՏՈՒԹՅԱՆ ԿՈՄԻՏԵԻ ՆԱԽԱԳԱՀ
ՊԱՐՈՆ ՍԱՐԳԻՍ ՀԱՅՈՑՅԱՆԻՆ

Հարգելի՛ պարոն Հայրոցյան,

Խնդրում եմ ընդունել «Գիտական ստորաբաժանումների ամրապնդման ծրագիր - 2024»
մրցույթին __ (Կազմակերպության անվանում) _ից ներկայացված _____ ծածկագր(եր)ով
հայտ(եր)ը:

Կազմակերպության ղեկավար՝

_____ (ստորագրություն)

_____ (անուն, ազգանուն)

* Հավելված N 2.3-ով առաջարկվող տեքստը ներկայացնել կազմակերպության ձևաթղթով:

Նախագծի վերնագիրը

Ընդարձակ ամփոփագիրը

Ընդարձակ ամփոփագիրը գնահատվում է գիտական փորձաքննության առաջին փուլում: Անհրաժեշտ է ընդարձակ ամփոփագիրը ներկայացնել հայերեն և անգլերեն, յուրաքանչյուրը մինչև 2 էջ:

Ընդարձակ ամփոփագիրը պետք է լինի **Նախագծի** հակիրճ տարբերակը և շեշտադրի հետազոտության կարևորությունն ու նպատակահարմարությունը: